

Bolzan e altrove, et par non siano di sopra movesta alcuna. Scrive non ha mandà il mensual, perchè sier Piero Maria Michiel camerlengo a Brexa, qual fa l'officio di pagador, era andato a Crema a pagar quelle compagnie. Scrive, si provedi di danari per poder dar l'altra paga etc.

Stampa.

213¹)

Lotto che se mette novamente.

El se fa saper a ciascaduna persona, come lo illustrissimo Consiglio di X con la Zonta ha concesso a nui Zoane Zane e fradelli fo de messer Andrea de far un lotto de ducati 24 milia a lire sie soldi quatro per ducato, metesse ducati doi per boletin, nel qual lotto se include peze 1000 de carisee per ducati do-dexemilia, et ducati dodexe milia de contadi divisi come qui sotto opererà.

Boletlin numero 1 de peze 400 carixee et ducati 1000 de contadi per	ducati	5800
Boletlin numero 1 de peze 100 carixee et ducati 50 de contadi per	»	1250
Boletlin numero 1 de peze 100 carixee et ducati 50 de contadi per	»	1250
Boletlin numero 1 de peze 100 carixee et ducati 50 de contadi per	»	1250
Boletlin numero 1 de peze 50 carixee et ducati 25 de contadi per	»	625
Boletlin numero 1 de peze 50 carixee et ducati 25 de contadi per	»	625
Boletlin numero 1 de peze 50 carixee et ducati 25 de contadi per	»	625
Boletlin numero 1 de peze 50 carixee et ducati 25 de contadi per	»	625
Boletlin numero 1 de peze 50 carixee et ducati 25 de contadi per	»	625
Boletlin numero 1 de peze 50 carixee et ducati 25 de contadi per	»	625
Boletlin numero 1 de ducati 500 de contadi	»	500
Boletlin numero 1 de ducati 500 de contadi	»	500
Boletlin numero 1 de ducati 300 de contadi	»	300
Bolettini numero 10 de ducati 100 l'uno de contadi	»	1000
Bolettini numero 10 de ducati 50 l'uno de contadi	»	500

(4) La carta 212* è bianca.

Bolettini numero 10 de ducati 25 l'uno de contadi	ducati	250
Bolettini numero 40 de ducati 10 l'uno de contadi	»	400
Bolettini numero 435 de ducati 6 l'uno de contadi	»	2610
Bolettini numero 920 de ducati 5 l'uno de contadi	»	4600
Bolettini numero 2 de ducati 20 l'uno al primo et a l'ultimo, oltra quelli venirà per ventura	»	40

Summa bolettini beneficiadi numero 1440, che sono a 12 per cento ducati 24000.

Dechiarendo che serado ditto Lotto, se chiamerà li presidenti iusta el solito. *Item*, che 'l ditto ministrador del lotto ha gratia de retenir da tutti li beneficiadi la provixion e speze.

Dechiarendo *etiam*, che se scuoderà li ducati venetiani a lire 7 soldi 4, li ungari ad lire 7, li turcheschi boni a lire 7, fiorini a lire 6 soldi 18, mirandolini boni lire 6 soldi 4, dopioni de ditta sorte boni lire 12 soldi 8, corone lire 6 soldi 12, marzeli soldi 12 l'uno, mozenighi soldi 24. De le altre monede forestiere de pezo, per quel che le corre al presente. Dechiarendo che a li beneficiadi se pagherà a questi medemi pretii.

Tutte le carixee dil presente lotto sono sopra la volta de sier Sebastian de Girardo, le qual sarà mostrade a chi le vorano veder.

Da poi disnar fo Conseio di X con la Zonta, et 214 non fo trattà cose da conto. Fono su certe parte e supliche particular, qual non fo prese, et poi sopra la expedition di quel Christoforo mantoan messo dil signor . . . da la Scala, qual praticava a Verona di haver la terra. Hor fo expedito, *videlicet* che Venere proximo a dì 24, in mezo le do colone da poi nona sia impicato.

Item, volseno metter le parte, che li proveditori sora i danari venisseno nel Conseio di X, et perchè i cazavano molti, la Zonta non fo in ordine.

Ancora preseno che li do veronesi, *videlicet* . . . Banca et . . . di Maphei fono mandati di qui per questa pratica et liberati di prexon, posino ritoruar a caxa loro.

Di Roma, vene lettere di l' Orator nostro, di 17. Il sumario dirò poi.

Di sier Carlo Contarini orator apresso il Serenissimo Archiduca, date a Tubing, a dì 7 de l' instante. Come heri sera vene nova dal conte